

建寧府志卷之四十七

雜志三

道釋

道教

上古

彭祖姓籛名鏗傳稱其嘗進雉羹於堯堯封之彭城故稱彭祖隱居幔亭峯下得養生秘術茹芝飲瀑乘風御氣膚如處女顏若舜英歷娶六十妻年七百七十七歲有子曰武曰夷亦隱是

建寧府志

卷之四十七

道教

一

二百六十七
文

山山因是得名或曰武夷君卽山神也稱君以其秩等諸侯漢武帝設壇祀之

皇太姥相傳爲神星之精母子二人來居於此采

黃精以餌能驅檄風雷乘雲而行秦人稱之爲

聖母或稱皇太姥今封太元夫人

詳見祝
穆記中

劉少公舊稱武夷山主按雲笈七籤云武夷爲昇真玄化洞天真人劉少公治之

控鶴仙人名屬仁乃天台元虛老君華真僊師弟七子也嘗駕鶴至武夷時魏王子騫與張湛等

禱雨龍潭而僊人適至騫等具懇遂獲甘霖湛
因獻詩曰武夷山上武夷君白馬垂鞭入紫雲
空裏只聞三奠酒龍潭波上雨紛紛屬仁語子
騫與湛等先以酒失忤黃元真人謫居此山入
百年後仍得蛻化因授以九品丹書

漢

梅福字子真壽春人尉南昌成帝時外戚王氏擅
權福上書不報遂棄妻子而去後有人見其易
姓名爲吳市門卒按舊志元始四年甲子梅福
來建結廬城南山煉丹數年丹成服之驂鸞而
去後人因名其山曰梅仙

建寧府志

卷之四十七

道教

二

二百九十五
文

尹真人煉丹於蕉源山術成飛仙去

錢鬱霄劉永志李氏三女同在白塔山修煉成仙
貞觀辛丑獵者呂師逐獸入山中遇三女於石
上圍碁因坐而觀之女授桃半顆與食俄頃獵
具朽爛歸家幾十年鄉人因挽師引至原處忽
覩圓光百丈三女昇天遂號三皇元君立龍濟
道院以奉之雨暘祈禱卽應

□子期師角里先生修煉子期山臨溪有子期臺
神人指臺前石語之曰待此石鼓鳴汝功行滿
矣一日扣之石果有聲乃入株林山却笠而坐
俄頃雲生騰去

晉

魏王子騫本閩之延津人相傳爲魏王子又云魏
時人姓王名子騫皆不可考入山修行時張湛
孫綽趙元奇彭令昭劉景顧思遠白玉生馬鳴
生及女真胡氏李氏魚道超魚道遠凡十二人

建寧府志

卷之四十七

道教

三

二百九十三
文

求道武夷依子騫爲地主遇控鶴僊人授以丹
訣後皆僊去以黃心木櫬藏蛻骨於小藏巖中
宋端平間歲旱迎至太乙宮禱之甘霖立應詔
封十三人皆爲真君其從神潘遇先世居中奢
舖因子騫給奉十二人後移居御茶園亦得僊
去於是亦封爲通靈協濟侯邑中每遇旱輒迎
禱無不響應

婁師鍾晉時人修煉山中茹芝朮勤吐納吸日月
精光後冲舉而去

唐

馬氏大羅真僊故老相傳本建安將相里人俗名馬五娘適人一年而夫亡誓不二夫家貧姑老紡績以養每洗足出入溪暴漲無舟可渡乃張傘仰置水上乘之以濟人異之嘗語人曰我非世人柰有姑在待終天年吾當去耳或旱暵鄉人輦迎祈雨立應後姑以壽終喪事畢飛昇而去今建中名山所在有庵凡祈禱卽應

許碯自稱高陽酒徒唐時人少舉進士不第學道

建寧府志

卷之四十七

道教

四

三百〇七

王屋山辟穀養氣十餘年宇內名山無不遍歷嘗登幔亭絕頂題云許碯自蛾眉山尋偃月子到此又作詩云閨苑花前是醉鄉誤翻王母九霞觴羣僊拍掌嫌輕薄謫向人間作酒狂或詰之曰我天僊也在崑崙就宴失儀見謫人皆笑爲風狂忽朝乘雲而去

薛邴唐時人修煉山中其實失傳見止止庵記

孔氏莊氏葉氏俱浙之上虞人唐天寶間於天柱峯前遇元君授以丹訣指其往東南覓修煉之

所乃於均峯得雲虛洞以棲焉道成乃投身於
換骨巖遂僊去治平間歲大旱里中有江小三
者遇三女於均峯之下知其爲僊也因訴以旱
故三女授以小葫蘆盛水少許令灑之是夕大
雨霑足乃獲有秋江往謝緣山徑深入忽有洞
曰雲虛之洞有小童導之使前三女飮以胡麻
辭歸行數里桃花夾徑渡一小澗出三姑石下
至家已三載矣

吳翁善卜閩太傅章氏愛將有張陳者後奔南唐

建寧府志

卷之四十七

道教

五

三百十八
文

南唐主命查文徽征閩副以二將屯軍於五夫
里二將召翁占之曰吉未幾王延政降二將同
文徽歸復次五夫召翁與語賫遺甚厚翁辭焉
二將曰不意有大賢居此因名其山曰居賢謂
翁曰吾欲棄人間事與翁爲林泉交可乎翁乃
爲築室山中今大將村小將村馬鞍山鼓亭皆
其遺跡也一日二將辭文徽餞之鷺山之陽登
巖長嘯聲出金石後人因名其巖曰將軍二將
從翁學長生久視之道皆百餘年卒

□

張垓後漢三山人又云名湛坐化於大王峯半壁石室中相傳謂其解化時其母追呼之首因轉盼巖下故遺蛻亦復爾爾背上有白點如錢者六七右手有一杰字坐旁一石方正如棋枰上有金蟾昂首向蛻因號爲張金蟾萬曆初年直指楊四知見其裸程近褻因塑而飾之仍護以鐵欄云

宋

建寧府志

卷之四十七

道教

六

二百七十一
文

徐知常字子中建陽人能詩善屬文尤通道儒典教悉神仙事明其本末宣和中除藥珠殿侍宸薩守堅宋紹興間人結茅建陽縣東有橫山王廟歲祭賽必用童男女否則鄉里有災一夕橫山王托夢朱熹曰妖蟒據廟食人男女薩真官互相委罪煩先生爲解旦熹詣廟有一道士施藥廟門問姓名薩守堅也與言夢許諾比歸廟火餘一大圓石鎮廟中今石尚存人呼爲飛來石云

李陶真宋熙豐間至武夷止止庵出祠牒示人乃唐開元時所給者衆俱笑之爲人落拓談諧好吹鐵笛每作穿雲裂石之音或屈節臘諸道士招飲凡十餘房真無不在者笛韻同時竝作衆俱駭愕嘗與衆共泛忽自投於深潭及歸而真已甦睡榻上矣已又入通僊巖踪跡莫定一日齋沐與衆言別留詩云毛竹森森自剪裁試吹一曲下瑤臺當途不遇知音聽拂袖白雲歸去來遂吹笛乘雲而去

建寧府志

卷之四十七

道教

七

三百二十
爾

鄒道人失其名清獻趙公宰邑時鄒以產戶辟爲錄事奉公甚恭一介不妄取公秩滿鄒自是棄妻子學道武夷山中過昇真洞遇張真君授以九轉丹訣得道尸解於幔亭峯

吳懷玉邑之新豐鄉人習靜武夷山中行坐常閉目人問之故不荅因稱爲眇翁年九十六而化初真人之未解也每醉輒狂歌大笑指武夷君像曰歲在戊子降爲人主指魏真君像曰三十有八載當撫平四海故揚文肅公家集云真宗

神宗哲宗皆十三僊降世真人化去之明年太乙宮監齋某遇之於京城言武夷瑞世之說尤詳建州守陳覺民過武夷詩曰昇真洞口接天門靈草丹花日日春聽說列僊來瑞世三朝德澤在斯民又王埜有歌云列僊高拱兮宅玄都三聖繼御兮恢炎圖措斯世於平又應皇家兮瑤符

備見方輿勝覽及舊志

王通永平人宋元豐間學道武夷居毛竹洞深究玄旨能飛神御氣呼召雷雨治平三年五月念

建寧府志

卷之四十七

道教

八

三百爾

五曰坐化於會聖洞詔封洞明普靜真人僊蛻尚存

知微子樵陽人嘗採藥山中遂結茆於毛竹洞旁餌松飲冰得冲舉術有知微子一卷行世坡公常爲之序

徐項邑之黃連坑人嘗於三髻山遇二僊對奕方啖菓擲其餘於地曰使食之歸卽辟穀且善知人意內事所居常有雲氣出其上行步如飛雖巉巖峭壁若履平地入水火不能焚溺乾道中

歲旱邑侯諸葛庭瑞迎之使禱雨真人登永峰寺鐘樓望三髻山呼聲未已而雨下如注尸解後鄉人爲之立祠山中往往有人于昇真洞見之

郭道人埋其名自稱卧雲子居武夷預知人禍福輒竒中紹興中邑人諸葛行正遇之於途因言行正生平事如目覩行正異之遂師事焉同行市中遇武弁趙姓者曰此人吾親見死于京師何以至此道人謂行正曰人旣識我矣尚可留乎正曰然則將何之曰孤雲野鶴初無定處後三年復至正事之如初因授以長生之訣俄而同日坐化道人於昇真洞崖石上行正於鐵板峯頭時乾道壬辰八月也

李鐵笛洛陽人李磨鏡燕山人名字世俱無可考但白玉蟾記止止庵以爲於此修煉後皆僊去張草衣名字莫考然白玉蟾常記其事

白真人名玉蟾號瓊瑄本姓葛名長庚大父曰有興福州閩清縣人董教瓊州而生真人於瓊紹

興甲寅三月十五日也祖父繼亡母氏他適因冒百姓真人天資聰敏髫鬣時背誦九經十歲來廣城應童子科主司命賦織機詩卽應聲詠曰大地山河作織機百花如錦柳如絲虛空白處做一匹日月雙梭天外飛遇泥丸真人陳翠虛携入羅浮未幾遍遊名山於黎母山中遇神人授以洞玄雷法能呼召雷雨馘攝精魔後又師事泥丸翁於羅浮者九年盡得其還丹秘訣經書一覽卽了大義文思汪洋頃刻數千言又

善草書有龍翔鳳翥之勢自讚云千古蓬頭跣足一生服氣滄霞笑指武夷山下白雲深處吾家封紫清明道真人彭鶴林又紀其成道後出沒隱顯變化莫測真人舟嘗過鄱陽湖篙師值日暮議泊真人剪紙月嘯於檣端皎然達旦而舟行無阻又嘗與衆泛舟西湖酒酣躍入水中衆驚呼援溺真人出水面搖手止之而沒後忽見於海豐縣嘉定末詔徵赴闕對御稱旨命館太乙宮一日不知所在

陳冲素號虛白入武夷修道遇異人授以丹法著
規中指南盡發內丹三要之旨嘗與一樵者飲
忽仆地夢入一洞府有物迸出傍有人指之曰
此青靈芝也卽採食之自是飲水不復粒食年
餘僊去

吳公名代失傳在鼓子峯右石室中修煉得道偶
將炭於石笋上畫階而上隨畫卽登遂僊去因
號吳公洞遺蛻尚存

丘公不詳名氏在靈巖後石室中坐煉晝夜精思
頓然覺悟一旦坐化留詩曰本是瀛州僊子倘
徉玄化洞天笑指蓬萊歸去冲飛笑入蒼煙因
號其巖曰丘公巖

黃樸樵川人紹興初訪道武夷山中逾數月尋歷
殆遍無所遇忽於白雲巖下見草庵有道姑屏
處長睂經頰見樸問其來故答曰洞天有名而
無實僊不可見也時日已暮姑欲邀宿樸曰汝
婦人獨居於義不可姑曰此地多虎恐君見傷
樸竟不肯入危坐戶外半夜果有虎咆哮而來

姑急開門呼之答曰寧死於虎決不入遂堅坐
達旦虎已潛去姑嘆曰君真有志洞天去此不
遠然尚隔深淵非臂羽足雲不可渡君試往若
遇樵者當拜而問途及至水際溪流洶湧方顧
盼間有樵者來樸乃如姑教樵者怒曰饒舌老
婆妄泄吾事遂令樸閉目挽其衣步雲而行俄
至中岡見宮殿崔嵬一人碧冠朱履謂樸曰汝
何人敢至此宜速回積功累行他時或可再來
遂與胡麻飯食之遣出至崖下回望高山深谷
於三仰峯

劉夢鼎崇安忠顯公曾孫也母未孕時夢一羽衣
手捧三足香爐至其家曰以此寄汝當有嘉應
後孕十二月乃生因名夢鼎少而聰敏博學師
事侍宸黃雪困得清微道法主行靈寶齋醮多
有異應曾於邵武九龍觀建黃籙大齋而枯井
湧泉天降甘露四方從學翕然一日南浦真氏
延之建醮遇一道士相謁問其姓名云是武夷

侍者迓公回山湏臾不見及歸家家人亦夢遂沐浴坐化

彭口隆邑之吳屯人居冲祐觀遇異人授以雷法祈禱皆應生平未嘗學問惟讀清洋經妙達玄旨信口吟咏皆蕭疎有致嘗自讚云五五二十五只管從頭數到底一也無松梢月當午居清微太和宮後坐化虞集常爲之記

周霞字史卿元祐中遇異人得養生術隱油果山二十年鍊丹垂成一日風雷大作丹失矣遂出建寧府志 卷之四十七 道教 十三 二百 神求之謂妻曰七日復來有一僧勸其妻曰學道者視形骸如糞土遂焚之明日史卿來空中啞啞責其妻而去宋封冲應真人

棲霞仙人寄跡松溪縣之棲霞道院以海門自號甚有道行且善書畫非賢士大夫不交人莫知所從來亦莫詳其名氏第稱之曰海門子後不知其所從去

衛太丞素不能醫元宵日郊行遇一老子負新至與同坐且謂今夕揚州上元好看燈衛曰三千

里何可得老子出青布袂鋪地俾衛閉目少頃
令其開視則揚州城矣鷄鳴復用青布袂坐其
中復還故處一日值華嶽真人誕日老子入內
慶賀俾衛立門首曰遇有瞽目人來此吾師也
卽拜之有頃三人皆瞽一日扶一老人至衛卽
拜老人入謂老子曰門外之人有仙骨而無仙
方乃付藥方一本指教用藥治病之原歸則去
家二十餘年矣鄉人莫知其能醫耘田人相與
言曰衛太丞自謂能醫少試其術一人方午飯
自田中走入室佯爲病者衛診脉謂申時當死
其人擲揄曰太丞誤矣我本無病跳躍復田未
踰時腹痛不可救後不知所終

元

金志陽號埜庵永嘉人蓬髮不櫛人因以蓬頭僊
人稱之嘗遇李月溪授以丹訣遍遊名山後至
武夷道術不振病者叩求隨以供菓餌之無不
立愈歲旱召龍警以偈語入水少頃大雨如注
居止止庵冬不爐夏不扇至元庚辰跌坐而化

吳華邑人吳大子也自幼不喜啖葷腥至元間棄家入瑞巖庵誦經修鍊數日一二過食凡四十餘年鄉里以道者稱之就庵旁治一畦地雜蒔以蔬有盜之者多跣足每織屨懸樹間與之鬻蔬得錢以俟貧難之弗給者人病疫迎道者至輒焚香禱祈靡不獲應跌坐蒲團夜爲山鬼數易恬不爲恠一日覓匠箍桶匠索道者偈華陡然悟曰一片無情木修圓內外空要知端的處無漏是成功語訖遂化

建寧府志

卷之四十七

道教

十五

三百一十
劉

明

王廣邑之黃連坑人幼嘗墮水忽濤波中一僧挾出掀之至岸嘉靖間學道依楊道人於武夷勵志苦修爲衆窘辱不校遇異人指授每登山往田人見有兩王廣云將化前一月語道衆曰我卽日欲歸柰師遠出未旋何旣數日又曰師今至某處矣策杖迓之師回語以欲歸之事師戲曰汝何日歸乎曰明日師曰我方回欲架屋姑少待卽應曰諾又月餘復問師曰今可矣但卜

何日荅曰明日師猶不信詰朝齋沐別道衆端
坐而逝全蛻見存水簾洞中

上官道字一明容儀蒼古善楷書幼嘗爲吏一旦
棄家室結廬深山龍井坑冬不爐夏不扇夜不
就寢通道術有疾病者請其符輒愈由是遠邇
皆敬之洪武初福州有名宦黃姓者病危殆延
請治其病隨愈酬以金帛一毫無取拂袂歸本
邑遇旱澇請禱卽應年六旬頗飲酒嘗作口號
云老骨崢嶸裘皴皮精神不似少年時一周甲

建寧府志

卷之四十七

道教

一十六

一百八十

刘

子從新數急速回頭亦是遲壽七十七絕粒而
終

釋教

唐

馬道一禪師漢州什邡人容貌竒異牛行虎視引
舌過鼻足下有二輪文幼依資州唐和尚落髮
開元中習禪定於衡岳傳法院遇懷讓謂曰磨
磚不能作鏡坐禪豈能成佛之語同叅者九人
惟道一密受心印來崇泰里佛跡嶺創寺苦鼠

雀蚊蟻之擾作法禁止之逮今永絕後遊方至
建昌石門山於貞元己巳三月四口坐化元和
中謚大寂禪師

越州大珠慧海禪師建州朱氏子初叅馬祖問從
何處來曰越州大雲寺來祖曰來此擬須何事
曰來求佛法祖曰我這裏一物也無求甚麼佛
法自家寶藏不顧拋家散走作麼曰阿那個是
慧海寶藏祖曰卽今問我者是汝寶藏一切具
足更無欠少使用自在何假外求師於言下自

建寧府志

卷之四十七

釋教

十七

三百廿九

刘

識本心不由知覺踊躍禮謝師事六載後著頓
悟入道要門論一卷馬祖見之告衆曰越州有
大珠圓明光透自在無遮障處也

志賢禪師姓江氏幼年出家戒律嚴謹後於本邑
佛跡嶺依道一禪師始聞頓旨遊方至金華山
樂其幽竒卽棲巔頂野老負香杭蔬茹以供之
時天旱師望空擊石謾罵諸龍曰若業畜無能
爲也其菩薩龍若胡不遵佛勅救百姓平敲石
纔畢霈然雨作婺人咸悅後遊五臺尋止太原

甘泉寺無疾坐化勅謚大遠禪師

神暄禪師俗姓留客遊婺女入開元寺卽願出家
耑誦七佛俱胝神咒昏曉不絕乃於金華山巖
穴中居止不構庵室作露地頭陀亦無床榻有
神人吐紫氣覆之其神時來問道一日拱手口
赤松洞之東峯林泉卓異師可居之師隨往居
益多徵瑞貞元二年遇志賢禪師賢謂之曰聞
兄如此持呪魔事必生欲滅魔軍須識身本身
本旣眞無佛無魔師聞豁然理事俱成神咒功
身塔於本山

建寧府志

卷之四十七

釋教

十八

三百十八

刘

益倍元和十二年八月回舊山示滅弟子奉全

哀公禪師名壽家貧業農事母孝不畏寒暑嘗耕
烈日中有黑雲遮覆人以爲異結庵於銅鉢山
巨石大木皆獨力運之卧不設榻危坐達旦能
預知人休咎施水療疾立愈或與之米至四五
石亦頂載以去涉險如飛將寂遍告遠近積薪
趺坐說偈而焚煙焰中聞震鈴誦經聲不絕火
熄遺蛻儼然得堅固子數合時元貞丙申四月

八日也鄉人塑像於庵遇水旱禱隨應鄉人賴之

蕭袁二禪師會昌中棲真大同山絕壁窮崖之上有龍湫梁國公丘良居山下於水際屢得菜葉尋其源遇二師忽有二虎至師曰毋驚地主公捨水源立剝虎亦泥首引去俄雷雹大震石壁遂平建大同寺

伏虎禪師法名行儒景福元年庵居中山有虎嚙人鄉人集衆捕之師忽騎虎出迎由是驚異之

建寧府志

卷之四十七

釋教

十九

一百八十

今中峯寺有伏虎壇石迹猶存

五代

白雲寺約禪師得法於翠微學禪師僧問不坐偏空堂不居無學位此人合向甚麼處安置師曰青天無電影韶國師叅師問甚處來韶曰江北來曰船來陸來韶曰船來師曰還逢見魚鱉麼師曰往往遇之師曰遇時作麼生韶曰咄縮頭去師大笑塔在今白雲寺後

白雲山智作禪師永真朱氏子容若梵僧禮鼓山

晏國師披剃□日鼓山上堂召大衆衆皆回眸
山披襟示之衆罔措唯師獨朗悟厥旨入室印
證卒謚真寂

白雲山令弇禪師得法於羅山閑和尚上堂僧問
已事未明以何爲驗師曰木鏡照素容曰驗後
如何師曰不爭多問三臺有請四衆臨筵旣處
當仁請師一唱師曰要唱也不難曰便請師曰
夜靜水寒魚不餌滿船空載月明歸

南禪寶應寺無垢普隨禪師姓黃氏福州閩縣人

建寧府志

卷之四十七

釋教

二十

三百十四

刘

依本州尸羅山西隱寺出家後叅雪峯存禪師
得佛法大意來遊建州丞相張鍾雅重之遂施
宅爲院名南禪寶應院請師爲第一代祖師晚
年謝院事飛錫禪巖靈異日著嘗於雙髻巖下
開田田成而無水師以柱杖劃山山爲之裂乃
通水灌田至今勝蹟猶存天成二年十月內示
寂賜謚慧明普大師里人肖像祀之靈應如響
號無垢古佛

夢筆山和尚亡其名得法於雪峯存禪師僧問如

何是佛師曰不誑汝曰莫便是否曰汝誑他閩
王請齋問師還將得筆采也無師曰不是稽山
繡管慙非月裏兔毫大王旣垂顧問山僧敢不
通呈又問如何是法王師曰不是夢筆家風
扣冰藻光古佛俗姓翁諫議大夫承贊之季子也
初叅雪峯峰曰子異日必爲王者師後自鷺湖
歸結庵將軍巖二虎侍側神人獻地爲瑞巖院
學者爭集夏則衣楮冬則扣冰而浴故世人號
爲扣冰古佛每日問主人翁曰惺惺否自應之

建寧府志

卷之四十七

釋教

二十一

三百九
非

曰惺文公引此以明誠意之旨

宋

白雲崇梵寺餘禪師叅雲居舜和尚得蒙密印出
住白雲僧問臨濟喝少遇知音德山棒難逢作
者和尚今日作麼生師曰山僧被你一問直得
退身三步脊背汗流曰作家宗師今日遭遇師
曰草賊大敗

如瓚禪師姓魏氏得法於長蘆信和尚出住平江
府萬壽寺開堂僧問如何是蘇臺鏡師曰山口

師子秀水接太湖清曰如何是竟中人師曰衣冠皇宋後禮樂大周前師凡見僧必問近日如何僧擬對卽拊其背曰不可思議將示寂集衆復曰不可思議乃合掌而終賜號證悟

法雲堂陳公未詳何許人嘗結庵法雲山使一虎搬運神異頗著後遷政和之獅子巖無疾索浴畢披衣坐化

可勲禪師姓朱氏嗣法眼益公住宣州興福院僧問如何是興福正主師曰闍黎不識曰莫祇這

建寧府志

卷之四十七

釋教

二十二

三百七
非

便是麼師曰縱未歇狂頭亦不失有偈示衆曰
秋江煙島晴鷗鷺行行立不念觀世音爭知普
門入

開元寺瑩禪師得法於雲居舜和尚上堂有一面鏡到處懸挂凡聖不來誰上誰下遂拈拄杖曰
這個是柱杖那箇是鏡良久曰萬古碧潭空界
月再三撈攆始應知

寒巖慧升禪師得法於育王裕和尚出住泉州延福寺上堂喝一喝曰盡十方世界會十世古今

都盧在裏許畝畝塞塞了也若乃放開一針口
許則大海西流巨嶽倒卓鼃鼉蛟龍蝦蟹蚯蚓
盡向平地上湧出波瀾游泳鼓舞然雖如是更
須向百丈竿頭自進一步則步步踏轉無盡藏
輪方知道鼻孔搭在上唇眉毛不在眼下還相
委悉麼復喝一喝曰切莫轉喉觸諱

竹源宗元庵主本邑連氏子久依大慧得旨與開
善謙公友善謙賴之而啟悟後分座西禪丞相
張公浚帥三山以數院迎之皆不就歸舊里結
庵號衆妙園垂語云這些子恰如撞着殺人漢
相似你若不殺了他他便殺了你

擎天巖道悟禪師三山秦溪人姓祖氏初叅建州
開元寺瑩禪師有省遂求荆落依止者十餘載
後於元符戊寅結茅於西鄉之擎天巖清修苦
節行杜多之行大觀丁亥將入滅預告四衆期
日畢至荆浴更衣說偈坐塔火化賢行者收遺
骨塑像於庵遠近禱者其應如響咸淳六年官
兵討賊絕糧師化身直詣軍門自稱擎天住持

僧携一囊之食兵皆取足遂破賊有司奏聞賜
謚寂感大師賜額曰擎天護國侍郎謝疊山先
生爲撰記

澄湜禪師叅百丈恒和尚得旨出住廬山棲賢寺
僧問趙州橋度驢度馬三峽石橋當度何人師
曰蝦蟇蚯蚓曰恁麼則物物盡沾息師曰踏不
著師天性高簡律身精嚴暮年三終藏經以坐
閱爲未敬則立誦行披之黃龍南禪師初遊方
年甚少依之屢年故其平生所爲多取法焉嘗

建寧府志

卷之四十七

釋教

二十四

三百二十八
非

曰棲賢和尚定從天人中來叢林標表也

惟珍禪師天資和雅篤於杜多之行嘗搭粗布僧
伽黎叢林有珍布衲之名參慈明和尚得旨出
住洪州百丈山上堂天台普請人人知有南嶽
遊山又作麼生會則燈籠笑你不會有眼如盲
王法昌東田人生不茹葷幼失父孝養其母慶曆
中剪髮爲頭陀入福先寺與慈濟大師同時修
道勤行勞苦不拔生草不斫生柴身多蟣虱時
常翻易使與均飽熙寧辛亥告人曰吾明年云

矣人莫之信果於次年五月十八日坐化里人始驚異之謚慈戒大師

姚幼安福州長溪人幼習儒術長出家於廣州觀音寺落髮爲僧熙寧丙子至建值慈戒西歸說頌讚之留住本山欲架鐘樓自往武仙山募䟽朝發午歸日行一百二十餘里舊鐘樓頽朽人莫敢登師緣梯解鐘如履平地五夫劉朝奉來山祈嗣師曰姚癩與你一子某年月日生可名姚哥至期果應居恒佯狂以愚世人熙寧庚辰

正月沐浴垂衣而化賜謚慈濟大師二像俱係肉身以粉泥粧塑至今不壞歲旱祈雨迎之至縣立應人稱爲姚王二聖云

暨存眞甌寧水吉人結廬崇仁德之冲源出入常有雲覆其上喜躬稼隨意耕耘不分彼此雲輒隨其耕處移他所復隨之如故歲旱祈雨呼曰雨遇雨霽呼曰晴皆應聲至疾者飲以法水立愈紹興辛亥詣蓮源里人詹公瑾乞其地爲庵扁曰如是壬申六月十九日跌坐化浹旬不壞

異香滿室衆以香泥塑之雨暘祈禱如響至正
間賜謚定應通覺惠昭善濟大師每歲六月進
香者四方雲集

辨聰上座嘗遊五臺山寺寺之上座僧老爲衆所
輕師獨敬事之將還京老僧付師書使於城北
尋勃賀投之師去竊發觀書曰度衆生畢蚤去
蚤來若更强住却恐造業師大驚復緘封之既
至於廣濟河側聞小兒呼勃賀師問勃賀何在
指大猪猪項弗金環臥街西墻下師以書投之
勃賀急食忽然人立而化因唯食勃荷故以呼
之

建寧府志

卷之四十七

釋教

二十六

三百二十

文

建寧府開善道瓊首座分座日嘗舉隻履西歸語
謂衆曰遺履者爲復後代兒孫不及祖師爲復
祖師剩有這一著子乃大笑曰老野狐紹興庚
申冬信守以超化革律爲禪迎爲第一祖師語
使者曰吾初無意人間欲爲山子正爲宗派耳
然恐多不能往受請已取所藏泐潭繪像與水
庵二字仍書偈囑清泉亨老寄得法弟子慧山

曰口嘴不中祥老子愛向叢林鼓是非分付雲
峯山首座爲吾痛罵莫饒伊顧使者曰傳語侍
郎行期甚迫不及修答聲絕而化

開善寺道謙禪師本邑人初依圓悟無省後隨妙
喜在徑山得法平居誨人不倦而形於尺素尤
爲曲折常曰時光易過且緊緊做工夫別無工
夫第放下便是只將心識上所有底一時放下
此是正直徑截工夫若別有工夫盡是癡狂外
邊走山僧尋常道行住坐臥決定不是見聞覺

知決定不是思量分別決定不是言語問答決
定不是誠絕此四箇路頭看若不絕決定不悟
此四箇路頭若絕僧問趙州狗子還有佛性也
無州云無如何是佛雲門道乾屎橛管取呵呵
大笑未幾卒

僊洲山吳十三道人每以己事扣諸禪及開善謙
歸結茅於其左遂往給侍紹興庚申三月八日
夜適然啟悟占偈呈謙曰元來無縫罅觸着便
光輝既是千金寶何須彈雀兒謙答偈曰啐地

折時眞慶快聖凡生死盡平沉僊洲山下呵呵
笑不負相期夙昔心

祖鑒大師名從密字世疎先是扣冰禪師赴閩王
請別大衆於松門曰二百年後再歸掃堂宣和
六年翁中丞彥國請祖鑒住瑞巖院至東嶺猛
省曰此地重來矣扣冰遺袈裟長丈餘祖鑒披
之適稱人以松門讖考之政二百年矣

嗣公禪師嘗師事胡文定公棄儒出家雲居院文
定寄以詩云十年南北斷鴻鱗夢想雲居頂上

建寧府志

卷之四十七

釋教

二十八

三百二十二
文

人香飯可能長自飽也應分濟百年身

圓悟禪師建安人號肯庵居五夫里開善院和晦
庵梅詩有可憐萬木彫零後竝立風霜慘淡中
贊晦翁像語載縣志示寂日晦翁哭之曰一別
人間萬事空焚香瀹茗悵相逢不須更化三生
石紫翠參天十二峯

僧自然姓程崇安人出家刻苦清脩嘗遊京師朝
臣試以牋疏立就咸平中奉旨往西竺取經得
石鈔歸煑藥治病無弗愈者詣闕奏對稱旨賜

紫衣金襴勅號了空大師

乾符大同院旺禪師得法於天衣懷禪師僧問如何是祖師西來意師曰入市烏龜曰意旨如何師曰得縮頭時且縮頭

萬壽寺慧素禪師得法於泐潭祥禪師上堂僧問劫火洞然大千俱壞未審這箇壞也無大隨曰壞修山主曰不壞未審孰是師曰一壞一不壞咲殺觀世音師子驀齧人狂狗盡逐塊復曰會麼曰不會師曰不快漆桶便下座一日有僧來

叅師問甚處來曰和尚合知某甲來處師曰湖南擔屎漢江西刈禾客曰和尚真人天眼目某甲在大瀉充園頭東林作藏主師打三棒喝出紹興二十三年六月朔趺坐書偈曰昨夜風雷忽爾露柱生出兩指天明咲倒燈籠拄杖依前扶起拂子踣跳過流沙奪轉胡僧一隻履於是儼然而逝

元素禪師得法於上封才禪師出住福州普賢寺上堂曰兵隨印轉三千里外絕煙塵將逐符行

二六時中淨裸躄不用鐵旗鐵鼓自然草偃風
行何須七縱七擒直得無思不服所謂大丈夫
秉慧劍般若鋒兮金剛燄非但能摧外道心早
曾落却天魔膽正恁麼時且道主將是甚麼人
喝一喝上堂南泉道我十八上便解作活計囊
無繫蟻之絲厨乏聚蠅之糝趙州道我十八上
便解破家散宅南頭買賤北頭買貴檢點將來
好與三十棒且放過一著何故曾爲蕩子偏憐
客自愛貪盃惜醉人上堂未開口時先分付擬

建寧府志

卷之四十七

釋教

三十

三百廿八
文

思量處隔千山莫言佛法無多子未透玄關也
大難祇知玄關作麼生透喝一喝

海珠禪師名道鎮住天心寺日誦金剛經因南浦
月望將化預約鄉人赴別相距各六七十里一
時俱遍至期升積薪剔燈花自焚少頃半空擲
下僧鳥一隻

淨空大士宋辛巳汀邵建三州疫死者萬計浸及
縣境時十月炎鬱不減李知孝請師禱焉風雨
旋至瑞雪繼之浹旬厲氣如洗明年五月旱知

孝又禱焉越二日大雨歲以有秋熙寧十年□
隱山巖待制章公衡迎歸南峰寺跣趺卒封慧
應大師

政和定峰寺曉宣禪師法嗣國慶宗禪師僧問如
何是祖師西來意師曰雲收千嶽翠曰如何領
會師曰雨洗百花鮮問學人上來請師垂示師
曰江澄秋夜月風掃曉天霞曰一句纔聞流通
千古師曰汝作麼生會僧喝師便打出

元

建寧府志

卷之四十七

釋教

三十一

三百
陸

天寶山鐵關法樞禪師温州平陽人姓林氏少不
茹葷年十七出家二十受具叅中峰本於天目
久之無省發見元翁信於石門留侍巾拂一十
五載盡得其末後大事聞建州山水絕勝遂荷
錫南遊郡西有天寶山其衆夜夢神人告曰肉
身大士來也明日相告出迎而師適至郡將靜
齋公遂請主天寶以符衆夢遂成大刹帝師以
法旨命其寺曰萬壽正宗禪寺而號師曰妙覺
真空大師松溪普載席虛請師主之上堂云弗

弗弗莫莫錯錯顧侍者召云老僧舌頭在
麼三年謝歸天寶至元六年八月中秋日索浴
畢書偈曰本無來去一句全提紅霞穿碧落白
日繞須彌擲筆而逝

斗峯山大圭正璋禪師福清人往湖南天王寺禮
絕聽和尚祝髮受具欲究佛祖一大事因緣叅
浙西東海和尚得悟作無字偈曰狗子佛性無
覷着眼睛枯瞥爾翻身轉唵唵哩嚩嚩海撫而
印之後結茅斗峯漸成叢席上堂良久云黃金
雖貴入眼成塵便下座師後辭世說偈曰生本
不生滅亦不滅幻化去來何用分別大衆珍重
不在言說便合掌入滅

天寶山逆川智順禪師温州瑞安人姓陳氏父道
羨母婁氏屢哭子乃塑智者像事之一夕夢僧
頂有圓光逆江流而上招婁氏曰吾當爲汝子
及寤而有娠師生不喜畜髮翛然有塵外之趣
父母不能留七歲俾依仲父慧光於崇興精舍
稍長受具戒於天寧禪院入閩叅鐵關樞公口

授以心要後樞捐館師嗣住院事洪武初詔高行僧十人於鍾山建無遮法會師與焉陞座說法聽者數千人大駕臨幸慰問備至事竣還南復以有道浮屠徵入京僅四閱月沐浴書得而逝闍維於聚寶山獲舍利無數持歸建塔藏焉有五會語錄善財五十二叅偈行世

高仰山古梅正友禪師貴溪丁氏子自幼出家禮末山本公爲師後遍叅知識乃歸舊里結茅龍窟出住浦城天心寺繼住建陽高仰山帝師奏賜紫衣賜號湛然至遠後加號佛日廣智示寂塔全身於鳳山有語錄二卷傳於世

建陽雲庵慶禪師住杭州徑山爲二十九代祖舉僧問楊岐如何佛岐曰三脚驢兒弄蹄行曰莫只這便是岐曰湖南長老師乃頌曰楊岐一頭驢眼光如電爍踏殺天下人說甚三隻脚松溪佛行少林崧禪師住杭州徑山爲三十三代祖有語錄十卷

政和獎山慧空元漠禪師古田蘇氏子父母初未

有子禱於眞濟顯祐劉神君祠夜夢神呼曰□
吾當爲汝子但十年後當歸吾宗言畢遂化爲
嬰兒母驚悟遂有孕生名神乞甫能言卽喜稱
佛號頂禮後父母俱亡流寓甌寧水吉爲箬村
劉氏養子時年僅十一正符十年歸宗之因禮
萬壽寺普勤和尚爲師祝髮受具勤爲易今名
教習惟識觀自是深達二空之旨庚子至政和
之東平里有池覺應與師言獎山之勝師聞卽
悟風因旣而曰吾當返本還元於此山也池乃
爲立庵至七月初一日趺坐入定至十五日始
出定謂大衆曰吾於佛所號慧空菩薩今化緣
旣畢卽當入滅復謂衆曰西天第三代祖商那
和修尊者隱象白山現龍奮迅三昧說法調伏
諸外道衆然後化火自焚其身吾今住象鼻巖
前亦當如是乃入龍奮迅三昧時雲霧四合雷
雨大作旣而化火自焚衆收靈骨建塔於庵之
西至今遠近禱禳無不立應

斗峯山大闡慧通禪師政和邵氏子年二十依斗峯玉溪和尚落髮進具後首叅周山主教以念佛公案往水吉巖頭閉關三載忽一日坐到半夜渾然不見有身惟語頭歷歷不散因大生怖畏晝夜不安出關往政和天界寺叅會中和尚問曰某甲目前不見有身唯覺話頭不散未審是何境界會曰此是人忘法未忘又問恐怖不止未審是何故會曰此如雛鳥乍離樹窠高飛不舉遠飛不去故生恐怖然恐怖也是他不恐

建寧府志

卷之四十七

釋教

三十五

二百二十二

陸

怖也是他汝今但捨着身命持行將去日久歲深水清月現自然明白師依教仍還舊隱從頭下功又經三載忽一夜瞬目之間因地一聲掇轉虛空通身無我乃往見會中和尚機緣相契遂付拂子袈裟有語錄一卷傳世

虎井庵古朴德智禪師甌寧吉陽人幼不茹葷依古心和尚遂求剃落洪武間遊建陽均亭結茅隱山居三載以地艱於水棄之而去有猛虎當道以頭抵地師曰汝欲留吾行乎虎額之師曰

吾以乏水故去汝能爲吾致水乎虎乃口啣師衣回山用瓜擲地泉隨湧出清冽甘美師乃復居漸成梵刹宣德間無疾坐化享年一百一歲建寧堵於本山

虎皮庵金漢道人本邑九都人宣德間年三十二入虎皮庵修道清苦煉行畧無倦色弘治二年十月十五日將化豫約鄉人程途相距各六七十里一時躬請俱遍至期升柴塔自剔燈花煙焰四起身塔俱焚少頃半空中擲下僧烏一隻

建寧府志

卷之四十七

釋教

三十六

三百四
陸

國朝

晦臺元鏡禪師潭陽馮氏子嗣法壽昌歸隱書坊後結茅於虎嘯巖前一日語侍者曰卽埋我於此遂示寂傳法覺浪中興洞宗

永覺元賢師潭陽蔡氏子庠生感僊乩有蓮華國裏人語棄儒入禪苦修三十年登鼓山闡揚宗風四方皈之其法力能使海潮再至枷藍爲之親求授記年八十二示寂著有語錄五十卷傳於世嗣法道霈號爲霖建丁氏子初叅瓶窰聞

谷大師有省晚得法永公今領衆鼓山

覺浪道盛禪師浦城張氏子幼業儒從東苑鏡禪師出家一日聞猫子墜地聲豁然有省遂閉目夢筆山禮壽昌和尚印可又叅博山和尚盡得曹洞宗旨歸侍東苑歿盛始出世坐道場五十餘處著語錄五十餘種承嗣東苑具門下得法二十餘人皆當時名宿云

古雪禪師名通喆西甌陳氏子幼業儒十六歲出家黃巖得法天童悟和尚初受少宰熊文舉等

建寧府志

卷之四十七

釋教

三十七

請興江西翠巖寺入閩掃塔公請住佛頂重興龍山復受郡守范公承訓知縣鄭昱請興佛迹又請重興斗峯進院日石鼓自鳴三次四衆共聞時年七十示寂著語錄四十餘卷行世嗣法雪門白桂廷昌吾菴圓等十有二人